



*Illustrissimo Archiatrorum Comiti
addictissimus dedicat Actus Præses.*

QUÆSTIO MEDICO-CHIRURGICA,

*QUOD LIBETARIIS DISPUTATIONIBUS
manè discutienda, in Scholis Medicorum, die Martis
trigesimâ Martii Anni M. DCC. XXXIV.*

M. LUDOVICO - JOANNE LE THIEULLIER,
Regis Consiliario, & in majori Consilio Medico ordinario,
Doctore Medico, Præsides. *Autore.*

An, dubio hepatis in abscessu, præmittenda incidendi Loci Perforatio?

I.



QUANTUMVIS evidentia puris collecti
signa videantur, decipit visus, decipit tactus, ex-
terna sæpè mentiuntur: nec rarò medentis præ-
sidentiam Natura frangit. Tumor omnis mor-
bi regionem exhibet, non partis ipsius affectionem aut
affectionis naturam indubitanter & accuratè designat.

A

» Multi enim sunt (A) quibus pus in corpore nullam de se
 » notam præbet, & ob sui crassitudinem aut loci non se pro-
 » dit. (B) Ità abscessus latitant nonnunquam in imis cor-
 » poris partibus incompti: visi sunt plurimi à fato secti,
 » qui perennibus querelis miserè vixerant, quibus ingens
 » apostema faxeæ ferè duritie pancreas occupaverat. Vi-
 » sus est, cui hepatis parenchyma, illæsa solâ superficie,
 » in pus versum fuerat, sub languidâ febre ac frequenti
 » lipothymia solum. Ita sæpè notatum est in abdominis
 » musculis pus delituisse diù, quod tandem in saxosam du-
 » ritiam abiens, subjectas partes eâdem calamitate affla-
 » bat. » Ubi verò prominet tumor, infidam diagnosin in-
 » venias. (C) Ipso non hepar, sed abdominis musculi tenen-
 » tur. (D) » Sic sæpè imponit tumor dextri hypochondrii
 » Medico, tanquam sit in jecore affectus, quùm tamen sit
 » in musculis abdominis. » Abscessus porro parentem ut
 » plurimum inflammationem existimes? indè vix eum in he-
 » pate futurum concludas. (E) » Inflammatoriæ enim febres
 » accidunt quammaximè nervosis & sensu acuto præditis
 » partibus, in quibus ille in incongruis tubulis subsistens
 » sanguis, dolorem movet ac spasmus, qui postea uni-
 » versum nervosarum partium systema in consensum per-
 » trahit, exagitat, sicque febrem accendit. Sanguinea au-
 » tem minùs exquisiti sensus viscera, non tam ægrè ferunt
 » sanguinis stagnationem, sed cedunt impetuosius affluen-
 » ti; nec dolor supervenit, nec spasmus, atquè adeò ne-
 » que etiam febris. Quia igitur hæc inter eminet inprimis
 » hepar, quod ex paucis arteriis, sed maximam partem
 » venis, portæ & hepaticæ propaginibus coagmentatur,
 » & propter tunicarum nervosarum absentiam, in magnam
 » molem potest expandi sine acuto dolore; hinc in ipsius

(A) Hippoc. aphor. 41. lib. vi.

(B) J. Heurnius in eund. aphorif.

(C) Valeriolæ lib. iv. observat.

(D) Forestus lib. xix.

(E) Frideric. Hoffmann. Medicin. ra-
 tional. systemat. tom. iv. sect. 2. cap. vi.

» substantiam minùs cadit inflammatio ; sed potiùs circa
 » convexam partem , in membranis & ligamentis viscus
 » hoc cingentibus & quibus costis spurii ac diaphragma-
 » tis portioni adhœret. » Adsit ergò dolorificus tumor vel
 absit ; similes urgent angustia. Abcessus si præviam inflam-
 mationem agnoscit , non indè ab omni inflammatione ab-
 cessum semper orturum judices : si secùs , quænam certa
 suppurationis signa ? Dubium autem omne solvet acus tri-
 cuspidata , cannulâ argenteâ munita (nobis *Trocart* aut
Trois-quarts dicta.) *Ipsa enim præmittenda perforatio , que*
incisionis inutilitatem sæpè demonstrat , vel incidendi loci sè-
dem ipsam turò designat.

I L.

» (A) **U**BI quid facere oportet , magisnè an minùs fa-
 » cere expediat considerandum est nam
 » utriusque usus tempestivus plurimùm commodi , intem-
 » pestivus plurimùm damni affert. (B) Danda autem sem-
 » per opera , ut tùm brevi , tùm citrà dolorem , tùm quam-
 » tutissimè curatio morbi perficiatur. Porro (C) solus is qui
 » signorum peritus est , hanc Chirurgiam ritè aggredietur.
 » (D) Si verò obscurior morbi species nondùm penitus ti-
 » bi cognita perspectaque est , huic nè properes remedia
 » adhibere ; sed rem totam naturæ committito. Natura
 » enim probâ ratione vivendi adjuta & innixa , aut mor-
 » bum profligabit , aut patefaciet & foras proferet. Incer-
 » ta quippè medicatio & irrita , nec nisi dispendio dis-
 » cernitur. Si quid fortè experiri cogaris , leve id esto , nè
 » fiat , in re ancipiti jactura gravis. » In casibus ergò Chi-
 » rurgicis , (E) Medica Chirurgia ordinariè instrumentali
 » debet succurrere : » sunt enim partes unius excellentis
 » systematis , quæ pulchrè inter se conspirant , & neutra

(A) Hippoc. lib. de Medico & Zuin-
 ger. in Eund.

(B) Galen. de methodo medendi.

(C) Hipp. de Medico.

(D) Fernel. Therap. univers. lib. 1. c. 3.

(E) Juncker. conspect. Chirurg. Tab. 1.

» sinè alterâ subsistere potest. (A) Ambæ sub iisdem natæ
 » sunt Autoribus, nec Chirurgiæ alia quàm Medicinæ præ-
 » cepta, nec aliæ demonstrandi sunt leges. Omnium ta-
 » men origo ferè ex interiore causâ trahitur, cujus obser-
 » vatio atquè curatio planè est Medica: imò etiam om-
 » nium quæ foris existunt atquè geruntur rationem Medi-
 » cus tenet, qui & Chirurgi opus dirigit, ut Medicus ra-
 » tione, Chirurgus manuum usu & exercitatione præstet &
 » excellat. (B) A Chirurgis itaquè nemo postulabit ut
 » sciant methodum & remedia, quæ nimiam humorum
 » stagnationem & importunum affluxum dissipent, inflam-
 » mationem nimiam discutiant; moderatam verò tanquam
 » necessariam & salutarem tolerant; penitiorem corru-
 » ptionem præoccupent; nimiam sensationem mitigent;
 » nimiam nervorum irritationem demulceant & energiam
 » vitalem excitent. (C) Quoniam verò nexus Medicinæ
 » & Chirurgiæ ita perpetuus & individuus est, ut neutra
 » pars sola subsistere possit, » quod ab internarum cogni-
 » tione causarum *producibile* iudicabit illa; ab externarum
 » contrectatione partium hæc *productum* confirmet: ambæ
 » tandem simplicissimam rationis & usûs viam sectentur.

I I I.

A *TQVI in dubio hepatis abscessu, præmissa incidendi
 loci perforatio incisionis inutilitatem sæpè demonstrat,
 vel incidendi loci sedem ipsam tutò designat.* (D) » Medicus
 » Naturæ Minister & Interpres, quicquid meditetur & fa-
 » ciat, si Naturæ non obtemperat, Naturæ non imperat.
 » Origines namque morborum & causæ longè abstrusiores
 » sunt, quam ut humanæ mentis acies eò usquè penetra-
 » re possit, sæpiusque Natura novum opus exorditur ubi
 » conatus nostri delière. » In hepatis potissimum affectio-

(A) Ferncl. de exter. corp. affect. præ-
 fat.

(B) Juncker. loc. cit.

(C) Juncker. ibid.

(D) Georg. Bagliu. de praxi Medicâ
 lib. 1. cap. 1.

nibus , morborum Medicinæ vel Chirurgiæ subjectorum incerta plerumque pariter indoles. (A) » Multa sunt scilicet hepatis inflammationi & pleuritidi communia , sic » ut sæpe in his discernendis affectibus sit fallax iudicium. » (B) Fiunt autem in hepate inflammatio , abscessus , scirrhus , imbecillitas , obstructio , &c. cavendum imprimis » nè fallamur , si quando tumor apparet in medio ventre. » Nam quibusdam , ut quotidianis anatomis cernitur , hepatis » par extenditur ad sinistras partes. Deindè diligenter distinguendum , nùm in musculis sit inflammatio internis , » externis , aut in gibbâ parte , vel cavâ , & nè pro phlegmone hepatis pleuritidem judicemus. (C) Sic in inflammatione convexarum hepatis partium , quæ vicinitate & » societate in contagionem latus adducit , hepate inflammato pleuritis falsò creditur , ex tussi & difficultate spirandi. » In Chirurgicis quoque quot dubia ! (D) Virum sexagenarium videas , qui post ingentem & acutum in dextro hypochondrio dolorem , eodem obtusiore per annum remanente dolore , subitum tandem disruptionis internæ sensum percipiens è vivis discessit. » Post mortem venter » mirum in modum intumuit , ac in umbilicali regione die » post disruptit , effluente sanie putridâ & tam fœdâ , ut tota domus cadaverosâ mephiti inficeretur. Alter ecce (E) » dolore hypochondrii dextri per integrum ferè annum confectus , statim ab incisione factâ animam efflavit. Aperto cadavere , reperta est ingens copia puris , peritonæum » quoquè disruptum & putridum conspiciebatur : musculi » intercostales cum costis etiam spuris nigredinem contraxerant , instar carbonis , & facillimè frangi poterant. » Tanta verò copiosiori colligendo puri , eidemque collecto par-

(A) Joan. Hautin. in cap. 35. lib. 1. de morb. intern. Holler.

(B) Holler. de morb. inter. lib. 1. cap. 35.

(C) Lud. Durerus in Coac. Hipp. lib.

2. cap. xi. 25.

(D) Frider. Hoffmann. Medic. ration. systemat. tom. 4. sect. 2. cap. 7. observat. 1.

(E) Forestus lib. 19. de Hepat. affect.

tes devaſtaturò mora haud permitteretur, ſi medentes medium veritati dilucidandæ idoneum tentarent unanimè.
 » Hoc unum eſt (A) nonnullorum, qui nè fortè in vanum
 » operentur, locum incidendum perforant acu tricuspide;
 » quandò nulla materia effluit, emplaſtrum imponunt: ſin
 » verò exeat, foramen ſcalpello dilatant. »

I V.

OPERATIONES Chirurgicas quaſcumque, periculofas præſertim, ſpontè conſilioque præcipiti ampliari, Chriſtianum dedecet virum. Hoc enim gentem redolet iſtam facinorum non rudem, in quâ (B) » nonnulli
 » ſi per annum fortè unum ſanant, contrà, centum occidunt. » Siccinè nobiliſſimæ evileſcent Artes, & in civium utilitatem inſtitutæ, in eorundem fata vertentur! ſed quod in iſtis nefanda ſuggèſſit impietas, idem in quibusdam ſordida cupiditas & obſervationum deſpectus æmulari poſſunt. Caſus etiam plurimos reperiſ, in quibus, uſu prævaleſcente, ſimpliciſſima paucioris adhuc numeri methodus ingenuè delinquitur. E. G. Adoleſcens quidam (C) annos circiter 18 natus, diris identidem in dextro hypochondrio doloribus, ſerè per annum, cruciatus; anhelitu difficili febre interdum ſtipato oppreſſus, Chirurgum peritiſſimum in conſilium adhibuit. Hic poſtulat ſi poſtulat, tactu tumidam regionem explorat; auribusque ad digitos ſuos eandem *reciprochè* ferientes appoſitis & arrectis; dolofâ *fluctuatione* deceptus, pus copioſum intùs Latitare decernit. Subſidio veniunt viri quatuor in eâdem Arte ſelectiſſimi: præviam perforationem à Medico propoſitam devincit Inciſio; dolorem illicò fert ejulans adoleſcens: Emphyſema dicam! ſcalpello proſtigatur! Erumpens àër ſalutiferaque cohors cubiculi

(A) Juncker. conſpect. Chir. Tab. 78.

(B) Schultzius & alii paſſim, Miſcel. Jan. Curioſ. Med. Phyſ. Academ. natur. Curioſ. Francofurt. & Lipſiæ obſervat.

151. annor. 1675. & 1676. titulo de Judæis Medicis & Chir.

(C) In vico Sancti Martini.

fores velocitate pari transfiliunt. Tali eventu obstupescis? huic alter ecce jungitur. E barbitonforibus unus, post multos in hypochondrio dextro dolores, lecto detentus jacebat. (A) Imploratâ Chirurgi peritissimi ope, Conjudices Chirurgo de prænuntiâtâ operationis necessitate deliberaturos expectabat. Hora tandem ad conveniendum edicta sonum reddit, fitque deliberatio matura. Ritu ergo solemnî incisioneque longâ nudatur hepar: vanus fit utrinque labor; dies quindecim elabuntur & vivit moribundus homo. Negotium tam arduum enodaturus accersitur Chirurgus quidam peritiâ famâque clarus. Hic inutile vulnus intuetur, tumorem oculis ac manibus lustrat, contrectat: designatâ tandem ipsâ collecti puris sede, Collegam incredulum acu tricuspide instruit. Perforatione factâ, digitis scilicet tribus à loco prius inciso distantibus, amovetur acus, è cannulâ copiosum pus exilit fœtidissimum, fœcis vini æmulum. Paulò post autem obiit capillamentorum ille textor. In exemplo priore, viam aëri contento tricuspis aperuisset acus: in posteriore, incidendi loci sedem ipsam tutò designasset.

V.

ERGÓ *in dubio hepatis abscessu, præmittenda incidendi loci perforatio.* Reclament qui volunt ab incisione nullum exurgere damnum, perforationemque periculosam esse contendunt. Exitum collecto puri præbeat incisio, per nos licet, ubi certa suppuratio, musculis scilicet extenuatis, &c. operantem verò sibi præfidentem pudeat operationes tentasse vanas, ex quibus in magnum discrimen non una laborantis fortuna, sed & vita venerint: adsitque pus vel absit, perforationem agnoscat in dubiis fidelem sine partium deperditione ducem. Ad incitas reducti speciosè loquentes hocce ratioeginio sibi fugam pa-

(A) In tugurio Cœlestinorum Monasterium inter & armamentarium Parisiense reposito.

rant. Novam legem proponit Thesis, vel usu receptam: si nova, rejiciatur; si recepta, cur articulo peculiari commendatur? Talia garrientes sequenti responso obtumescant. Si recens est nostra methodus, majori adhuc pompâ debet indigitari; veritati scilicet viam judicio prænuntiante, ac tandem experientiâ demonstrante. A juvantibus enim & lædentibus copiosa tùm Medicinæ, tùm Chirurgiæ discendi seges accessit, nec ignorantia labem vultu simulare quærit ille qui rem ignoratam probè scrutari satagit: præviam verò perforationem si adhibuit antiquitas, Majorum obliviscerentur forsan recentiores, qui in generalioribus regulis exceptiones involverent, artemque suam in ævo nostro consummatam autumantes, omnia promiscuè tentarent; sicque esset in illis Ars, vel reddita cunabulis infans, vel titubans cum scipione senex. Igitur, ratione & observatione conspirantibus, constans in aciem prodeat, incolumis perstitura conclusio.

Ergò dubio hepatis in abscessu, præmittenda incidendi loci perforatio.

DOMINI DOCTORES DISPUTATURI.

*M. Joannes - Damianus
Chevalier.*

*M. Emmanuel-Mauritius
Du Verney.*

*M. Antonius de Jussieu,
Regia Scientiarum Academia,
Regiarumque Societatum Angliæ & Prus-
siæ Socius, Botanices in
Horto Regio Parisiensi
Professor ac Demonstrator.*

M. Claudius Brunet.

*M. Ludovicus - Claudius
Bourdèlin, Scholarum
Professor, & Regiæ Scien-
tiarum Academia Socius,*

*M. Joannes-Baptista Silvas
salubris Consilii Regiæ
Socius, & Serenissimi
Ducis Borbonii Medicus
ordinarius.*

M. Ludovicus de Santeul.

*M. Michaël - Ludovicus
Vernage.*

*M. Joannes-Baptista-Tho-
mas Martineng, Rei Her-
baria Professor designatus.*

Proponēbat Parisiis OLIVARIUS BOUGOURD,
Constantienſis, Baccalāureus Medicus, A. R. S. H. 1734.
à sextâ ad meridiem.